

雍虞先生道園類彙

雍虞先生道園類稿卷之九

絕句五言

題柯敬仲畫扇應制

旭日鳴幽鳥露華在芳叢外廷無奏事殿閣自微風

題燕文貴小景應制

行盡長松徑溪頭有小舟鑑湖如賜與終日弄清流

燕陳公子宅贈燕學士

落日照大堤花間聞馬嘶城頭鼓角起相送五門西

題宣和墨竹寒雀

宣和墨竹寒雀

洒墨寫琅玕深宮春晝閒蕭條數枝雪不似紇干山

上馬

眼昏身手鈍上馬怕風沙祗好扶藜杖循籬看落花

題旦僉司所藏慧甄腐瓜行蟻圖

瓜腐來螻蟻梧生致鳳凰荒園空宿雨阿閣自春陽

題雙鴛圖

戢翼石梁陰秋風日夜深使君莫行野江水蕩人心

題畫扇雀竹

啄粟野田暮飛鳴亦求雌誰家江上雨發船歌竹枝

題畫扇柳蟬

不食遂終日長吟如老翁金盤九秋露玉樹一絲風
題畫雙蝶

舞罷庭花落池邊看睡鳥無端雙蝶飛上綉羅襦

題商德符畫松

松根生茯苓松葉纏兔絲服之可長生歸哉南山陞

題河梁泣別圖

落葉滿長安秋風漢節還裁詩寄歸鴈三月到天山

題蒙古松壑書

長風壑中來吹雨灑高竹憶昔曾見之終南跨黃犢

題捕魚圖

網罟日相從天寒澤國空釣竿長倚樹老却渭川翁

題吳興公畫二首

拂石叢竹間采蘭幽林下游子憺忘歸何以遺遠者

松上一枝雪竹間千本蘭江濤嗟遠道風雨憶春寒

雜寫七首

韓子登華封縣令捐其階書呼始得下亦不傷雅懷
粵人善操舟先去令人愁今年水未落不見尊鱸秋

狂罵人不怒徒然傷天和問君丹丘月當勝白蘋波
雲間陸士龍寧知千金貴文章倘有取論薦何足辭
長鬚一握雪昏目九重雲不爲成去計俵鶴皆怨紛
夕望姑蘇月晨瞻太湖波金章還闕下隨意覓漁叢
貪祿戀君恩三年金馬門願於堯舜世頭白老人村
題柯敬仲雜畫十五首

北苑今仍在南宮奈老何青山解浮動端爲白雲多
雨過蒼苔石雲生野岸泉幽懷冉冉稚子秀娟娟
鐵石餘生色冰霜作曉妍春雷明日起何處尚龍眠

雨過黃陵廟蒼梧雲正愁何時倚虛幌對此滿林秋
江上秋漠漠風雨晚蕭蕭千載誰相識惟應待老樵
昔過貧營谷鈎衣石角斜擬尋龍作杖拾得上天槎
黃金千鎖甲瑠玉六簾鈎兩送鴛鴦夢烟籠翡翠愁
娟娟生玉潤楚楚作金聲羽扇迎風定羊車過月明
峽口春雲重江南夜雨多水深桃葉渡風急竹枝歌
蒼涼初出日黃落早知秋不遇采芝客寧知叢桂幽
明堂要梁棟大匠取脩直鬱屈崖石間秋風動蕭瑟
平陸蒼龍起近山生遠烟前村三萬頃明日水平田

莓苔生石路翠竹自交加不惜青鞵濕臨流踏白沙
昨夜采樵去偶逢三尺枯山人不到海不識是珊瑚
瀟灑一枝新惟堪掃淨塵白雲在牕戶留作老僧隣
題李旣之學士湖上諸亭

烟蘿境

玉女乘烟霧松間采薜蘿飛行了無跡明日送空歌

金潭雲日

金沙灘上日潭底見雲行祇有琴高鯉時時或作群

漏舟

春水如天上秋潭見月中如何列禦寇猶欲待冷風

紫霞滄洲

洞裏琴鳴澗洲前掉入雲擬尋雲谷叟同訪武夷君

秋水觀

湖深山影碧天淨月光空幸自無波浪蘋花謾晚風

無倪舟

三周華不注水影浸青天不上銀河去空鳴擊棹還

紅雲島

日出海邊曙雲生島上紅綵舟移曲岸白塵對微風

蕭閒堂

愛業蕭閒老令人憶稼軒高堂何處是湖曲長蘭孫

松關

黛色浮空表蒼髯積雪邊鷄鳴從此度掉臂向秋天

大千豪髮

善聽返無聲善視入無覩還將一緒雲散作萬山雨

觀心

炯炯燈留室微微息若存仰探當月窟俯察識天根

題熊太古畫二首

中國類書卷九

五

路過秦時檜家留蜀道山長安都看徧回首入雲關
海內此亭古幽村春事多扁舟歸未得江上已生波

題柯敬仲竹樹古石

雲樹寒逾勁霜筠晚更脩玄雲動蒼石令我憶湖州

題汪華玉所藏吳興公蘭石四首

海內出珊瑚枝撐碧月孤鯨人拾翠羽泣露得明珠
參差不可吹紉佩寄遠道遂令如石心歲晚永相好
抱玉下天河繞叢秋露多天寒翠袖薄日暮欲如何
翠袂倚岩堯來尋碧玉蕭拂衣成歷劫遺迹映寒潮

題黃與可所藏錢舜舉瓜圖

秋蔓有遺實不食庸何傷東陵爲圃地何曾憂雪霜

題趙師舜所藏蘭蕙圖

衆芳非不多金石好兄弟雜佩以間之春風接襟袂

題春妍帶雪圖

玉茗深宮裏春妍帶雪殘可憐五色羽相並不知寒

題江村秋晚圖

依約米家船疎林泊暮烟新詩吟未了槎上釣江鱸

題饒世英所藏錢舜舉四季花木

海棠

睡起多情思依稀見太真一枝紅淚濕似憶故宮春

黃蜀葵

花萼立清晨鵝黃向日新金杯承玉露偏醉蜀鄉人

芙蓉

丹霞覆苑洲公子夜來游終宴風露冷折花登絲舟

家茶

萬木老空山花開綠萼間素粧風雪裏不作少年顏

題吳興公五龍圖

虎華裹干戈華陽春草多天閑五龍子隨意浴晴波

雍虞先生道園類稿卷之九

道園類稿九

七

蘇虞先生道園類稿卷之十

絕句七言

題唐玄宗出遊圖應制

輦路風微曉霧開
華清宮裏看花來
五王走馬誰先
醉倒著官袍去不回

題陳閔所畫中宗射鹿圖應制

昭陵石馬立斜陽
曾見騰驤出鹿場
馳射衝波誇獲
雋故知英氣似前王

題韓幹畫馬應制

道園類稿卷之十

開元沙苑羨藜秋
韓幹新圖總不收
天廐真龍奇骨
在故知臣甫負驂騮

題曹霸下槽馬圖應制

櫪下長年飽豆芻
誰通馬語識踟蹰
主恩深重知何
報或者東封駕鼓車

題宋徽宗畫梨花青禽圖應制

宿雨初收禁林寂
玉斧臨牕看春色
羨藜沙上暖塵
飛何處人間作寒食

題趙千里小景圖應制

前代王孫不好武，拈筆幽牕寫汀渚。殘雲野水三百
年，依舊松筠濕春雨。

次韻竹枝歌答袁伯長

沙禽東去避網羅，蕩舟相逐如遠何。越山青青越女
白，從此勞人竟夢多。

春江風濤苦欲歸，東盡滄溟南斗低。明年白日百花
盡，憶爾琴中烏夜啼。

燕姬當壚玉雪清，簫中吹得鳳凰聲。不及晴江轉拖
鼓，洗盞船頭沙鳥鳴。

木芙蓉

九月襄王宴渚宮，霓旌翠蓋度雲中。滿汀山雨衣裳
濕，宋玉愁多賦未工。

水芙蓉

長洲宮沼醉西施，蕩漾蘭舟不自持。願奉君王千歲
樂，一盤清露玉淋漓。

送四川憲使

晚趨嚴召直承明，侃侃論思歲未更。國老不應持節
去，鄉人徒羨過家榮。

錦溪園裏千尋竹夏日移床就綠陰烏帽練衣印竹
杖閒來誰與共清吟

已歎玄經返墨池復愁國史奉嚴祠離鄉游子歸仍
晚獨對東風惜鬢絲

小東郭外今無舍萬里橋西況問田不恨錦官非昔
日但尋玉局是何年

龍游峽口芝千本仙井山中玉數嶠老去首丘天所
念未甘孫子祗東南

題曹將軍畫馬

道園類稿

三

高秋風起玉關西踣鐵歸朝十萬蹄貌得當時第一
匹昭陵風雨夜聞嘶

舊屋

舊屋已屬他人家臨風且復立江沙欲從子雲誇墨
沼更向少陵尋浣花

誰家

誰家結屋倚江湍五月湍聲入座寒種樹已堪維馬
騎開軒即可把漁竿

題馬圖

昔在乾淳撫蜀師賣茶買馬濟時危鄉人吸茗同觀
畫解說前朝復有誰

留別叔父南山翁三首

先君太史棄諸孤之四年集來吳門省連州府君
之墓始見叔父南山翁翁與集同出太師雍國公
蓋四從矣翁曰後會未可期幸留數語識歲月翁
方客授外鄉又以推人生禍福以助道故不能久
留城中敢用賦此以承命云爾

玉屏古栢與天齊使過于今又七期各道遺書向江

道園類稿

上西風江水鬢絲絲

玉遮墓下有諸孫東望滄波每斷魂泣血三年餘喘
在更將衰淚洒荒園

族人散處江南郡不識音容但記名世澤須令孫子
憶故家今幾尚簪纓

題王母圖

瑤草春深晝日閒靈芝清露自怡顏雙成吹徹參差
玉八駿人間去不還

偷桃小兒癡且妍恃恩無賴更蒙憐竊翻雷電天工

怒風雨落花紅滿川

黃竹遺墟白雪高空桑戴勝向晨鳴茂陵多欲非仙
器在賜金盤五色桃

西望瑤池斗柄旋金明水淨月娟娟請觀阿母神仙
籍名在龜山第幾篇

題竹石鸚鵡圖

蛺蝶飛來石竹叢羅襦曾識繡紋重荷花啼鳥銀屏
暖臥看窓間唾碧茸

閩州海棠

閩州城南天下稀海棠參天鸚鵡飛百年高興付蕭
散老著西江何日歸

題畫猿

冷泉亭下呼常到巫峽舟中聽更愁老石枯藤還見
汝因懷經處思悠悠

記夢中詩三首

祝融君紫虛君率子廉

出海雲霞九色芒金容滉瀟水中央向曾賜服玄洲
玉今結蕭臺五鳳章

飛步崔嵬上九宮親題綵筆篆明虹玉樓臨海連天
碧待子扶桑鶴出籠

失脚漁磯返棹遲幾回石上候來期老翁巖下諸年
少總解題詩笑鬢絲

題周東陽進士為南郭園林記後

南郭名園繞隔縣好添花竹又清時歸來未老柴車
在百里尋春定可期

題錢舜舉所畫折枝芙蓉

白髮多情憶劍南秋風溪上看春酣剪來一尺吳江

水擬比千花濯錦潭

題商德符小景

商公昔者觀秦蜀劍閣崢嶸筆底開又向江南任三
載不為廬阜即天台

五老峰前屢往來紫雲如蓋蔭崔嵬十年京國頻看
畫最愛高僧坐石苔

題故宋李忠襄公杜烏石渡舊隱

窈窕幽篁帶碧蘿青春白日坐蹉跎試駒烏石江頭
水寧有微波接汨羅

題吳興公畫馬

朝廷無事日從容
太僕承恩出九重
前代王孫今閣老
只畫天閑八尺龍

又

綠衣奴子十七八
面如紅玉牽馬過
繡簾美人時共看
堦前青草落花多

寄馬伯庸尚書

江上河豚吹柳花
三月淮船當到家
賜金盡賣買田舍
坐對八公吟日斜

道園類稿卷十

七

訪杜弘道長史不值道中偶成

雨浥輕塵道半乾
朝回隨處借花看
堦東千樹垂楊柳
飛絮時來近馬鞍

聽雨

屏風圍坐鬢毵毵
絳蠟搖光照暮酣
京國多年情盡改
忽聽春雨憶江南

春雲

春雲漠漠度宮城
樓雪初融水未生
行到御溝成久立
起頭枝上有流鶯

與趙子期趨閣

日出風生太液波
畫橋千尺彩船過
橋頭柳色深如許
應是偏承雨露多

玉堂讀卷雜賦次韻

待漏宮門聽鑰開
袖中進卷總賢才
奏名殿裏千花合
傳勅階前好雨來

千花覆檻柳垂絲
晝刻傳呼淑景遲
聖主自觀新進策
侍臣簪筆立多時

文章光焰貫長虹
來者無窮去者空
頭白眼昏心力

盡高堂深夜燭搖紅

題陳衆仲送人之官南平序後

我憶錦溪最上原
春雲爲雨日行天
何時獨上溪邊閣
不待冷風已灑然

院中獨坐

何處他年寄此生
山中江上總關情
無端繞屋長松樹
盡把風聲作雨聲

題歐陽原功少監家柯敬仲畫二首

涿陽日日水生波
翠袖黃裳晚櫂過
珠樹月明花婀娜

娜鳳袍春暖錦婆娑

楚宮朝雨過江潭燕燕歸來試浴釵
庭下錦衣皆稚子
態中秀色是宜男

題宋人詞後

紹興間臨安士人賦西湖曲一春長費買花錢
日醉湖邊玉駘慣識西湖路驕嘶過沽酒樓前紅
杏香中簫鼓綠楊影裏秋千晚風十里麗人天花
壓鬢雲偏盡船載得春歸去餘情付湖水湖烟明
日重扶殘醉來尋陌上花鈿思陵見而喜之恨其

後疊第五句重携殘酒酸寒改曰重扶殘醉因歐
陽原功言及此與陳衆仲尋脰度之并繫以詩
重扶殘醉西湖上不見春風見盡船頭白故人無在
者斷堤楊柳舞青煙

題畫古木

高秋木落洞庭空岳陽城南多晚風蛟龍夜護玉壇
古劍影長留明月中

桓州驛題壁

八月十五日得旨先歸驛騎在門復召還

詔十七日至桓州驛題壁

烏桓東望天無際，祇有銀蟾出海頭。
不得吹簫送清夜，禁城鐘鼓度中秋。

題吳興公幽蘭脩竹

舊時長見揮毫處，脩竹幽蘭取次成。
欲把一竿蒼水上，鷗波千里看雲生。

題畫竹石

井中墮却翡翠釵，海上拾得珊瑚鈎。
蒼龍過雨影在壁，斷雲零落令人愁。

吳興公畫竹石

貧簷谷中春事晚，老鶴俛啄莓苔生。
長鳴戛戛雨氣潤，舞羽脩脩山月明。

題吳興公畫竹石

數出琅玕近玉階，連昌宮苑少人來。
庚庚蒼石如人立，恐有題名上紫苔。

酬張書巢送棕帚

積雨蒼苔路不分，松華盡日落紛紛。
塵埃滿袖歸來晚，誰與柴門掃白雲。

題吳興公畫

棠梨枝上白頭翁墨色如新最惱公直似故園花石
外銅盤和露寫東風

送上黨長

春兩人參長紫苗縣庭無事坐終朝俯看雲氣千山
表野有新田市有謠

題畫馬

蕭條沙苑貳師還首著秋風盡日間白髮圉人曾習
御長鳴知是憶關山

號國夫人學畫眉宮門催入許先馳春風十里聞鄉

澤新賜金鞍不受騎

畫羅漢

虎嘯千山木葉空晴空無處著神通蒼龍浴罷軍持
水閒玩明珠似日紅

題納涼圖

百頃芙蓉水滿堤綺牕只在畫橋西羊車薄暮過湖
曲驚起鴛鴦不並棲

題畫

松帶蓬萊山上雪竹含滄海岸邊風三更月上誰能

看惟有河東學劍翁

題趙子固山礬瑞香水仙叢蕙
梁園池館日蒼涼飛蓋追隨憶故鄉
澤畔行吟春事晚時時駐屐近微香

題李息齋墨竹

紫貂蚤解獵圍驂一棹夾猶雪滿簪
山雨欲來春樹暗盡將情思寫江南

冬至前一日答吳宗師

絲絲微息起黃庭仰望搏桑拂帝青
海上鶴來知有意

道園叢書卷十

十二

意手持楊許寫來經

題吳彩鸞所書唐韻

豫章城裏寫韻軒繡簾罕地月娟娟
尋常鶴唳霜如水書到人間第幾篇

壬申芝亭春帖子

祗今江上無茅屋何日成都有薄田
若荷聖恩歸去蚤東風擊壤慶堯年

髮從更白三千丈身似初生第一春
久向黃庭留白鶴偶隨華蓋駕蒼麟

東風吹雪著髭鬚
目力都妨讀舊書
兒子總堪供稼
穡故人還許共樵漁

一種芝蘭異楚薪
儀如鸞鳳氣如春
他山借石成瑚
璉莫負深耕種玉人

題華萼樓宴集圖

華萼樓前翠輦來
寧王吹笛百花開
夾城誰敢爭馳
道獨對霓裳進玉盃

為歐陽原功題吳興公墨竹

蒼崖倚木雲千尺
新筍穿林玉一雙
若到瀟湘聽夜

雨定知剪燭向西牕

先生歸到歸鴻閣
閣下應生此竹枝
定有鳳凰來共
宿可憐翡翠立多時

送趙虛一歸金陵

五月二十五日集侍立延閣
上顧問集嘗至金

陵否集謹對曰嘗到又曰冶亭是汝所題往年八
九至其處新松當長茂矣集謹對曰臣猶是未種
時至也近臣奏曰玄妙住持道士趙虛一所種也
上曰然又顧集曰已陞觀為宮汝知之乎集對曰

臣奉勅題榜賜之矣是日虛一來別歸江南即告以聖上不忘治亭之意又三日吳太宗師賦詩贈行董先生爲持卷來索賦因錄所得聖語如上云

春明晝侍奎章閣 聖上從容問治亭爲報仙都趙真士新松好護萬年青

題吳興公春江聽雨圖

越鳥巢南枝所欲得於江湖之上者甚不多也區區不余異覩此慨然

憶昔江湖聽雨眠翩翩歸鴈度春前數株古木依茅舍老去何年踏釣船

賦思州田氏楊夫人栢舟堂

白髮高堂晝霧昏自將忠義教兒孫邊傍種得千株柳春雨深深荷主恩

次韻杜德常典籤秋日西山有感

落日龍舟山下回寺門依舊對山開霜凋碧樹煙生草從此頻傷八月來

百頃芙蓉野水光石梁秋日度流香空遺玉座臨高

閣只有金仙住上方

閣上露華生翡翠潭雲日色射金虬舊時車駕迎風
動此日闌干傍水流

每進文章出殿遲日華西轉萬年枝甘泉罷幸揚雄
老滿鬢秋風不受吹

題柯敬仲雜畫

夢裏江南憶舊游明璫翠佩不勝愁一鈎纖月清如
水吹笛何人共綵舟

題黃筌芙蓉乳狗圖

八道書畫卷下

十五

牽牛引蔓上棠梨上有幽禽夜夜栖自有秋風動踈
竹江南落月不須啼

西旅初聞効貢來金毛覆地不凡材騶虞麟趾同靈
囿抱子花陰臥石苔

題蔡端明蘇東坡墨蹟後

天際烏雲舍兩重樓前紅日照山明嵩陽道士今
何在青眼看人萬里情此蔡君謨夢中詩也僕在
錢塘一日謁陳述古邀余飲堂前小閣中壁上小
書一絕君謨真跡也綽約新嬌生眼底侵尋舊事

上眉尖明君別後愁多少得似春潮夜夜添又有
人和云長垂玉筋殘粧臉肯爲金釵露指尖萬斛
閒愁何日盡一分真態爲誰添二詩皆可觀後詩
不知誰作也杭州管籍周韶多蓄奇茗嘗與君謨
鬪勝韶又作詩子容過杭述古飲之韶泣求落籍
子容曰可作一絕韶援筆立成曰隴上巢空歲月
驚忍看回首自梳翎開籠若放雪衣女長念觀音
般若經韶時有服衣白一坐嗟嘆遂落籍同輩皆
有詩送之二人最善胡楚云淡粧輕素鶴翎紅移
也

入朱闌使不同應笑西園舊桃李強勻顏色待春
風龍靚云桃花流水本無塵一落人間幾度春解
佩暫酬交甫意濯纓還見武陵人固知抗人多慧
也
祇今誰是錢塘守頗解湖中宿盡船曉起闔茶龍井
上花開陌上載嬋娟白樂天蔡君謨陳述古詩二
皆抗守也
老却眉山長帽翁茶煙輕颺鬢絲風錦囊舊賜龍團
在誰爲分泉落月中

三生石上舊精魂解后相逢莫重論縱有繡囊留別

恨已無明鏡著啼痕

能言學得妙蓮華贏得春風對客誇乞食衲衣渾未
老為題靈塔向金沙

丹丘柯敬仲多蓄魏晉法書至宋人書殆百十
函隨以與人弗留也他日獨見此軸在几於
甚怪之及取觀則吾坡翁書蔡君謨夢中詩及
守居閣中舊題也第三詩以為不知何人作其
軒轅彌明之流與陳太守放營妓三詩亦辱翁
翰墨流傳至今亦有緣邪卷後多佳紙敬仲求

入道園集卷六

十七

集作詩識其後賦此四首是日試郭岷墨但目
疾轉深不復能作字又知年歲後雖若此者亦
尚能作否臨楮慨然至順辛未二月望日書

題著色山圖

巫山空翠濕人衣玉笛凌虛韻轉微宋玉多情今老
矣閒雲閒雨是邪非

題蘇東坡帖

東坡先生書少陵翁負薪行筆力與辭氣同一高
占憶在江上聞舟人竹枝一首謾識於此

魚復浦前春水生負薪度江初月明憑郎莫下巫峽
去楚王宮殿在專城

題張彥輔小景

山下吳王避暑宮宮前浪起白蘋風抱琴響牒廊頭
去多是扁舟笠澤翁

題李氏青溪精舍

昔逢李白青溪上醉著宮花紫綺袍松雪落崖迴晚
擢海風吹月見秋毫

題李氏浩然亭

水滿青溪花滿叢浩然堂上看春風小車還過溪頭
去徧看青山似洛中

聽雪軒

樓前宿鷺起星河近歲江南雪轉多投老鍾山寒不
寐滿山松竹夜如何

放鶴亭

山人不受北山移春雨開田種紫芝昨日華陽眞逸
到借令過海問安期

臘日偶題

大藥無功卦氣銷等閒雙鬢雪飄蕭東家釀得黃精
酒說道凌晨許見招

舊時燕子尾毵毵重覓新巢冷未堪為報道人歸去
也杏花春雨在江南

無題

夏簟琅玕冷於水綠鞵烹魚手操七西風歸燕杏梁
深恨不身先貴人死

與陳道士二首

門外大風都不起
牕前卷書淨於水
匡廬道士上清
來吹笛數聲月明裏

門外大風吹樹倒
牕下燒香禮黃老
日午誦徹大洞
經白鶴隨人啄瑤草

題扇與周維翰

玉堂松花蜜餅香
龍珠星顆露盤涼
遙知環碧樓中
坐翠竹蒼松化日長

題蕭相先學方齋

坤二直方無待習
蹄求絜矩有餘師
德星昔為賢人
聚元季嘉名共一時

寄題廣心鍊師丹房

赫赫金丹一黍紅
舊聞傳自紫陽翁
逍遙山裏刀圭許
白日生翰九萬風

雍虞先生道園類藁卷之十一

絕句七言

雪後偶成

千山積雪日華明
瓦甍前頭畫不成
未有樓臺供遠眺
負暄過午聽簷聲

曉來殘雪在陂陀
遠似羊群或似鵝
憶踏春泥看柳色
駝裘貂帽渡冰河

自題

歸來江上一身輕
野服初成拄杖行
祇好白雲長作伴

天台廬阜聽松聲

築室

溪頭築室苦不多
無奈今年春雨何
水暖白鷗渾不去
泥深田父少相過

題吳興公墨竹

憶昔吳興寫竹枝
滿堂賓客動秋思
諸公老去風流盡
相對茶煙鬢鬢絲

題吳興公蘭石

汀草離離石老蒼
行吟何處樂清狂
江中遺佩相思

久莫待明年春蕪長

題夢蟾圖

炯炯孤蟾兩目寒
莎蘿臺上濯神丹
冰容映月初無質
故許空巖夢覺看

題唐五王出遊圖

華萼樓前御柳長
春風馳道曉塵香
龍姿鳳質多和似
黃髮為期樂未央

題八駿圖

瑤池積雪與天平
西極空間八駿名
玉殿重來人世

道園類藁上

二

換蕭蕭首帶漢宮城

題射獵圖

羽獵長年從翠華
合圍八月度龍沙
蕭蕭徒御圖中見
猶想君庖賜滿車

日暮推車力已疲
道逢猛虎快饒飢
負隅何待要馮婦
弱婦嬰兒未可欺

題白玉蟾像

日出搏桑積雪高
海空天淨絕纖毫
每看劍氣衝銀漢
知是吹笙詠碧桃

題大別山栢園

憑陵霜雪鼓風雷此樹相傳手所栽
想見樓頭黃鶴客千年一度此山來

答趙秉彝送地黃膏

身如老馬視茫茫多謝銀罌致地黃
昨日飲餘肌骨暖解持書卷近晨光

酬張用鼎

老馬尚書賓客盛淮南淮北誦君詩
玉堂自是歸來晚不及觀君落筆時

題關尹問道圖

身隱何爲更著書區區關尹強留車
周公制作成殘闕嘆息何人間緒餘

中秋前偶題

一室蕭然絕蔽虧桂香初發自先知
已無熱惱仍無夢坐到空林月落時
空林月落大如盤雞犬無聲曉氣寒
童子擬謀朝一食玉盃盛得露溥溥
一盃濃露滑如飴灌溉清涼可療飢
畢力石田嗟已

晚空山何處采靈芝

采芝不覺過前山
偶答樵歌暮却還
人影自行殘照外
雨雲先入翠微關

次韻答魯子翬參政四首

山水娛人若妙顏
幾年搖落鏡中鬢
高情誰與爲膏沐
舒卷春雲指掌間

海風吹雨散晨曦
紈扇高堂兩鬢絲
想見東南賓客盛
臨風醜酒看潮時

病鶴前年下玉京
空巢聊寄一毛輕
白雲千載悠悠

道園類稿上

四

外自照寒溪野水清

方嶽羅賢祝網開
選掄更欲籍非才
故人情厚慚衰朽
千里空煩重使來

題赤城站壁

莫怪扁舟不早歸
斜風細雨濕蓑衣
天心月滿江心定
贏得閒身坐釣磯

又和韻

飛鴻力盡始能歸
敢向漁樵詫芟衣
多謝相如遠相問
華星明月照寒磯

秋夜有作

月明清露浸山河八極無塵水絕波形質不應猶有
礙鼻端惟恨桂香多

題玉龍圖

貝闕澄澄海月生水晶簾影接空明綉綃剪得霓裳
就却擁冰驕上太清

題郭熙畫木

江南喬木已無多誰畫參天鐵石柯記得玉堂春晝
永寒林坐對老東坡

浙西提舉陳衆仲以其省之命請考秋試其
還也賦此贈之

道誼交情志竟完千山觸熱訪衰殘唯慙薄德成虛
辱故詠高風小子看

百病消沈老病身石田茅屋度餘春故人遠訪閒相
對共看流泉日日新

合禮文章體道心事天成物致精深老來更覺交游
少珍重高賢副所欽

游揚羅李生聞士千古斯文一綫微最憶相逢共綉

繹開燧東海眇煙霏
子去聲光日已高荒村那復重相遭畫屏雙牖閒歌
枕春雨秋雲見羽毛

贈聞白雲

白雲東去入經春每想飛鴻到水濱幾箇遮山松樹
子憑君洒雨洗埃塵
無題
貝闕珠宮夜不眠露華浩浩月娟娟不應又作人間
夢窈窕吹簫度碧煙

讀書類集二

六

題亡第嘉魚大夫與師眉山奴詩後

瞻望眉山草木春西還無計每傷神數家共客巴陵
下只託詩書論古親

吾第文章絕幻厓只餘詩句似西江十年夢斷遺書
在風雨梧桐自一牕

書蘭亭後

墨池春雨水泠泠消得鵝群舞雪翎千載臨文嗟悼
盡摩挲病目看蘭亭

題黃敬申所藏虎圖

當時玉帳蜀雲西坐嘯風生草木低傳寫餘威千載
外空山藜藿尚淒淒

聞機杼

呶啞機杼隔林幽夢覺江湖憶舊游滿地月明涼似
水數聲柔櫓過揚州

賦玉簪花

玉簪花發憶京城徧閱詩篇未識名解道折花猶帶
露却愁春色起凡情

回植芝蘭背植護高花冠玉擅中園小冠不厭雙蓬
鬢賴有朋簪玉露繁

翠葉長莖出露叢素花高潔倚微風方田種得新秋
玉萬斛濃香屬老翁

天宮會弁若星流簪筆同朝八月秋一色尚方新切
玉含香無語度中洲

溪橋踏雪

萬竹孤亭積雪明衝寒先到寄高情過橋不是尋常
客共聽空山裂帛聲

答吳仲谷見寄兼簡許愿夫

城南謾作草堂新過客全稀既有塵城闕鶯花二三
月無因藜杖伴詩人

華蓋山前已結庵荒陂獨往策羸驂何如城北蕭蕭間
叟吟詠高齋從適參

翠竹如雲百里樓川原錦繡出城頭遙知吟詠群賢
老清酒千壺薦膳羞

題范德機詩後

玉堂妙筆交游盡投老江南隔死生最憶崖州相憶
處華星孤月海波清

題文丞相詩後

大廈明非一木支區區未忍聽傾危故人邂逅聊相
問矢死終天更不疑

次韻陳溪山春日即事

日出蒼龍霧露零郊原花柳總蘇醒七言內外黃庭
景歷歷東風舊所經

河漢光微海出暎蓬萊宮闕啓千門晴虛無外來相
覓塵影俱消湛若存

蕉竹牕中舊席虛白雲不任意何如欲占正淑來消

息正值色義未畫初

題呂洞賓見滕子京像

一杯湖水碧於天飛劍來時月正圓天下儘多憂樂
事脩然來往又千年

題魏受禪碑

華歆勸進鍾繇筆妙畫千年不可磨舊有始皇金石
刻李斯文字更嵯峨

答吳景來

崇仁邑士吳景來客授齊安寓定惠院書來報寺

入道園類書十一

九

之海棠東坡所爲賦詩者今二百五十餘年枝葉
復盛住山明月溪增暮坡翁舊寓并錄所賦爲寄
偶成三章答之并呈幹公克莊部使者云

滿山桃李檀春風龔俗何妨總化工賴得土人渾不
愛故容山寺對衰翁

江城紅萼是鄉人人去花飛海復塵二百餘年還一
見雨中月下爲誰春

昔登棧閣俯春濤紅萼青松翠壁高應有故人知我
在鷓鴣春雨老江皋

次韻東山鳳栖別墅四時詞

湖邊綠樹多年柳，島上紅雲二月花。
惟有舊時雙燕子，經春猶在故人家。

雨餘飛蝶傷秋潤，江外蹲鴟喜早涼。
高屐園基歸別墅，東山莫是謝家莊。

秋簷柿葉書連屋，日暮黃花醉短籬。
每嘆觀文脩舊史，不違初志見新詩。

寒陰結白分嘉玉，園果青黃貢上金。
受命素心如鍊石，不知冰雪歲年深。

八道園類集卷二

十

送艾斐英遊京師并寄國史諸公

鳥鳴不鳴山更幽，少學多聞今始休。
常羊空喫人間飯，聊爲田家事牧牛。

牛角掛書田裏歸，昔人行處不相違。
白蘋如雪路飛起，耿耿銀河星宿稀。

和陳漢山

林園寂廓靜簾櫳，來往風雲盡日中。
萬卷相娛三歲晚，一簞猶恐負時豐。

幽幽出入南山路，行到水窮猶有雲。
回首獨歸無一

三道傍還見丈人耘

題樓攻媿織圖

我國家既定中原以民久失業置十道勸農使
總於大司農慎擇老成重厚之君子而命之皆親
歷原野安輯而教訓之今桑麻之效徧天下齊魯
尤盛其後功成省專使之任以歸憲司憲司置四
僉事其二則勸農之所分也至今耕桑之事憲猶
上之大司農天下守令皆以繫銜矣前代郡縣所
治大門東西壁皆畫耕織圖使民得而觀之而今

八道圖類卷十一

十一

罕為之者撫圖頌詩為賦三章章四句

鄉里蠶桑不失時畫圖勸相又題詩當時補衮應無
闕金玉餘音到璽絲

吳越蠶桑日用多始終吟詠極婆娑工成繭館閒琴
瑟宜薦房中備樂歌

昔者東南杼柚空詠歌蠶織列圖窮勸農十道先齊
魯百世興王衣被功

送程以文兼柬揭曼碩

樸學清忠荷主知每驚異論苦相危只緣自信非鄉

愿俟命從容絕妄思

玉堂北局是秋官健筆相遭白晝寒莫怪討論成諍
論御床夜索草篇看

故人不肯宿山家半夜驅車踏月華寄語傍人休大
笑詩成端的向誰誇

題西郊草堂圖為從子豈作

故家東郭百花洲梅柳西郊總舊遊賢子獨知懷七
念結廬為擬草堂幽

早晚東吳買客船直歸萬里畫橋邊寄省儘有詩人

在忍向園中看數椽

草堂在處即西郊巴嶺還如雪嶺高但有好孫能力
學不愁老杜不春遨

野梅官柳頗依依酒債尋常七十稀莫遣錦溪賢姪
覺恐愁安樂不思歸

至正改元辛巳寒食日示弟及諸子姪

疾風吹雨作春深抱膝西牕獨自吟百世詩書千古
事只憑孫子不虛心

江山信美非吾土飄泊栖遲近百年山舍墓田同水

曲不堪夢覺聽啼鶻

寄成都孝成姪

寒食風花高下飛錦宮城外是邪非百年墳墓惟孤
姪因酌寒泉薦蕨薇

寄吳門弟姪

尚書大墳在吳門老病西江更斷魂春雨滿山湖海
去扁舟強飲引諸孫

寄子安民從子宣

兩兒逐祿廣東西解憶荒村叫竹雞北返衣冠先志
在扁舟有日發端溪

癸酉歲晚留上方觀

投老歸來山縣小無端人事尚關情雲房借宿最岑
寂亦有隣春月下聲

燈前白了讀殘經風入疎簾月入櫺坐到夜深誰是
伴數枝梅萼一銅瓶

偶行幽徑豈尋春忽見叢蘭紫茁新幸自林深可終
日莫將香引路行人

山中積雪到簷端獨對篝燈坐夜闌不是梅花心似

鐵如何禁得許多寒

題葵榴雙鳥圖

江南春事已蕭條只有葵榴絢日嬌
水國不知炎暑近雙將文羽戲清潮

題唐玄宗按舞圖

寢安食飽對青雲按舞調笙不厭頻
西內歸來還獨看梨園弟子白頭新

題昭君出塞圖

天下爲家百不憂玉顏錦帳度春秋
如何一段琵琶

月青草離離詠未休

題陳君璋遠塵樓

春風滿縣花開日夜月千山雪積時
定有扁舟來好客倚闌溪水度雲遲

偶成

野田閑水浸秋天隨意行吟到水邊
樵客各歸魚鳥散微風吹面鬢蕭然

半畝秋陰近石床倚床自炷水沈香
新涼透骨清如水幾箇蒼篔共夜長

鶴骨新來怯曉寒東牕睡覺日三竿蒲團深坐香如
縷塵几殘經亦倦看

桂亭

夜色澄澄海氣深水光蕩漾入簾旌冰肌玉骨便清
夢不爲吹笙送月明

壁月珠星繞四周團團翠樹屋東頭黃金布地香爲
國此是山中富貴秋

田舍

晨昏車馬亂雲煙花下追遊亦偶然百舌無聲春亦

去蕭蕭田舍日高眠

題漢孝宣受貢圖

悠悠旌旆馬蕭蕭萬里歸來氣不驕黃屋東邊渭水
上從官誰是霍嫖姚

答饒心道四首

碧玉淒涼思入雲數峰江上見湘君夜深霜冷絃中
折儘有遺音世未聞

日下紫薇還獨歸陰陰夏木掩柴扉空傳秀句寒
滿世外高情更絕稀

巴水東流日夜深先生茅屋背城陰東風盡日吹春
草金石臺荒想獨尋

塞坐詩書日吳歌陶公於此每婆娑匡廬雨過青如
舊只爲長松不易柯

題約牖爲表姪譚無咎賦

約牖前頭一沼開天光倒影入蒼苔臨泉洗墨春雲
濕恐有神魚起蟄雷

意識休將一管窺歛藏深密靜無私始終慎獨成天
德深信開天自慮義

酬酢紛拏窘室廬老來漸覺就明虛羨君盛歲先知
約絕利尋源事廣居

別變元溥後重寄

郭西山路有寒梅想見臨行首重回夜聽雨聲知水
長滿船明月幾時開

聞變元溥除御史

好風天上送春來紫陌紅塵萬里開春雨春波舟一
葉題詩先到鳳凰臺

變元溥除御史後寄蕭性淵巡檢

望仙亭長最清閑日日吟詩竹樹間長官新歲豈冠
去誰與空山相往還

題趙子固墨梅

楚王宮室賦離騷不及梅花不解嘲留與周南舊公
子歲寒聊寫兩三梢

古檜

根到深泉石作身踈踈香葉不知春海波不動天風
遠千歲寒蛟作老人

題劉夢良墨梅

詩翁白髮對青春看遍江邊玉雪新我是錦城城裏
客開圖更憶錦身人

留易小雅樓促陳溪山同飲

花滿橫樓酒滿盃晴光偏送好春回東家縱有溪山
興聽得歌聲也合來

和陳溪山櫻桃

紫玉盤中絳雪繁相如多渴喜清寒明光分賜難重
得却作金丹火齊看

留龍門寺

自去重山知者稀默然終日坐垂衣山猿還笑癡頑
甚無見無聞忘却歸

一榻東軒絕百非浴波紅日上當扉輕雷谷口作飛
雨知是老龍回翠微

舊得鷗雛短羽毛筠籠三月未能高攜來聽法生公
石風竹雲松任所遨

投閑雖久尚勞生數日山居實稱情香象度河姑且
置端然聽得落花聲

題趙師舜所藏雪竹圖

道園類藁上

十八

鳳凰臺畔竹猗猗別出參差玉一枝閱盡雪霜心似
鐵高風惟許歲寒知

題孤鶴圖

海風吹月憶危巢清夜梳翎雪墮坳仙客不知猶是
畫每聽長唳向松梢

贈朱萬初四首

霜雪摧殘澗壑非深根千歲斧斤違寸心不逐飛烟
化還作玄雲繞紫微

珥貂鳴珮入明光新墨初成進御床草野小臣春

夢短猶懷染翰侍君王

延閣晨趨接佩聲又紆朱紱向江城丹心要似東陽
水釀作官壺徹底清

頗愛燒香是鼻塵不應緣黜又勞人方床石鼎過清
晝一縷山雲伴老身

絕句

城南尺五野人居六月清涼八月如一色琅玕三百
箇總堪裁作殺青書

村中上元

道園類稿十一

十九

滿城簫鼓暮相催田父村南醉未回野廟殘燈燒未
盡霏霏山雨逐人來

墨梅四首

繁華千樹倚晴空不比疎枝冷雪中只爲玉堂天最
近儘將才思付東風

老身如鐵心如水長與空山積雪期待得紅塵吹紫
陌群仙歸去已多時

綽約肌膚迴絕塵摩挲銅狄是何人已看天上千年
雪不作人間一日春

門戶重重玉數枝娟娟靜好稱家兒舊時東閣多能
賦說與揚州何遜知

聞子規

花落故園聞子規春眠未起畫簾低常年五月居庸
道愁共行人聽亂啼

天藻亭舍下生竹枝

堂上不合生楓樹舍下何緣穿竹枝人間風日不到
處長養鳳毛當及時

題吳興公所書出師表

道藏頌亭十一

廿

心許驅馳奉至難書成揮涕試師干臥龍庵裏閒風
月惟有幽人字字看

東家四時詞

臨流洗硯見長身白苧寬衣短葛巾紈扇自題新得
句水亭分送倚闌人

摩挲舊賜碾龍團紫磨無聲玉井寒鸚鵡不知誰是
客學人言語近闌干

澄波千頃擁高樓手折芙蓉月下還解憶高堂風露
冷衲衣先送碧雲山

賀雪宮門上表歸貂裘猶帶六花飛海南新送牧香
鳥轉覺清寒入翠幃

寄朱環溪二首

賢郎肯爲諸生出不厭闌干首著盤爲有平安花竹
報齋居日日共清歡

高堂脩祀灌園翁白髮清尊見古風曾得遺文窺隱
德猶今視昔後人同

書晚宋諸公題墮淚碑詩後

峴首亭高故國詩卧龍無復更驅馳諸公盡向江南

老遺恨長慚墮淚碑

題宋淵聖宸翰

倉皇內禪計全踈貞幹其如積蠱餘不敢身先君父
死教封慈殿問安書

題虎圖

目鏡眈眈鎮坐隅高堂白晝走睢盱良工不寫凡毛
骨驚世文章斂若無

題宣和御馬

凝神殿裏晏朝回閑繫青駘照綠苔一日長安春事

老可能無意看花來

和陳溪山三絕

山深松竹俱成老溪迥蒲荷各自花隨分樂天無一事擬求齊物度年華

枝有蒼筤實有梧何年鳴鳥下晴虛惟應長共希夷叟日對朝陽浴海初
清渭終南路窈冥漁磯樵徑草還青山中雨足止只梅落獨爲相求出戶庭

喜雨寄郡中諸官

仙馭東行應望霓吏民迎拜若雲齊到城慰滿三農意喜雨亭成太守題

書先叅政與黃浮山賦紫薇再花遺墨後
春服初成念子孫紫薇堂上列芳尊當時高興無人會兄弟通家尚未存

題墨梅

霜月清江一棹過誰將長影照寒波浮雲日暮長安遠莫羨官粧掃翠蛾

種橘

庭前嘉樹種來遲
霜實經年未壓枝
寄語巴園好相待
商山更有一盤碁

題江村漁樂圖

江上青青列數峰
千重樓觀楚王宮
爲雲爲雨無朝暮
卧看常年屬釣翁

題荷蓀圖

道上相遭荷蓀翁
殺鷄留宿甚從容
如何不及乘桴意
更待重來果不逢

題醉翁亭圖

醉翁四十謗稱翁
賓客相隨樂意同
前引朱衣垂白髮
花開幽谷幾春風

題原泉圖

九天飛瀑下巖幽
去作江河萬古流
倚杖不知春雨過
青山如洗暮雲收

題范德機墨跡

凡骨蛻餘清似雪
高情起處一絲輕
玉堂只在人間世
回首蕭閒愧後生

題商德符畫

曉陪劍履上嚴宸
霜葉青紅日色新
誰見江山烟霧起
行吟澤畔老靈均

題百牛圖

妙手精思畫百牛
古來遺事總堪求
一牛耕罷無消息
野水閑田不見收

題孟浩然畫像

風雪高堂破帽溫
七賢圖裏一人存
昔時耆舊那堪論
獨釣槎頭最斷魂

題袁誠夫所藏山水圖

十百相連底處山
雨雲時復到人間
山中草木自寒暑
長與幽人相對閒

海外誰三更九州
駕言從此泛扁舟
垂綸未必悠悠者
帶雨看潮散暮愁

跋劉光遠湘川行藁後

白露橫江木葉秋
故人相國况同舟
賡歌自是當時體
不與漁人共暮愁

洪厓橋

澄江如練碧悠悠
一色蘆花覆遠州
無盡春天歸鴈

急月明寒影不曾流

橫橋攜手踏溪流無盡溪流意自幽天外浮雲飛鳥
散柳陰猶有釣魚舟

彭致中送松花

幽人歲歲送松花指與吾人老已加欲學彭翁年八
百鼎盛金粉養黃芽

送龍興路儒學教授夏大之還鄉

禹憂洪水稷憂飢千古悠悠兩鬢絲誰與山隣同白
日浮雲流水赴幽期

八達自類集卷一

二十五

應物紛紛興自高不知官服是何曹歸與耆舊遺聞
遠莫憚登門弟子勞

五絃琴爲劉子雨賦

海上微風動五絃九疑蒼翠雨餘天仲尼昔日問韶
地肉味都忘思惘然
錦瑟無端五十絃五音繁會亂春筵不知簡易高人
意目送歸鴻碧海天

題薛玄卿贈蔡伯禧詩卷後

憶昔西清侍禱祈上方清夜珮聲微山中祗共閑雲

住時見輕雷送雨歸

又

老薛揮毫送伯禧篇篇風致使人思蔡卽若有通章
事先達清臺外史知

雍虞先生道園類景卷之十一

道園類景卷二

二六

